

ALLAH, ƆDOMFOƆ, MMƆBORƆ HUNUFOƆ NO DIN MU

ƐFIADA NYAMESƐM: Kɔtɔnimaa Bosome da a ɛtɔ so 24, wɔ afe 2013
(Summary of Friday sermon 24th May 2013 – Ashanti Twi Translation)

KHILAFAT-E-AHMADIYYA

Hadhrat Khalifatul Masih kenkan tashhud, tawwuz ne Sura Al-Fatiha wie no, ɔkenkan kyefa Sura Al Nur (Ch 24) wɔ Kur'aan Kronkron no mu.

Saa kyefa yi mu Nyankopɔn aka sɛ: “Agyidifoɔ no, sɛ wɔfrɛ wɔn kɔ Allah ne Ne Somafo no hɔ sɛdɛɛ ɛbeyɛ na wabu wɔn ntem aten a, asem a wɔka ara ne sɛ; ‘Yɛate na yɛaye sɔtie’. Na ɛyɛ weinom saa na wɔbenya nkɔsɔɔ” (Ch 24:52).

“Na obiara a ɔbeyɛ sɔtie ama Allah ne Ne Soamfo no na ɔbesuro Allah, na wayɛ ahweyiɛ afa No sɛ n'akokyɛm a Ɔde bɔ ne ho ban no. Ɛyɛ weinom saa na wɔbeyɛ nkunimdifoɔ no” (Ch 24:53).

“Na wɔde Allah di nse ka wɔn ntam a emu yɛ den paa sɛ, sɛ woma wɔn ahyɛdɛɛ a, sɛ ɛtɛɛ biara, wɔbɛfiri adi. Ka sɛ, ‘Mma monni nse biara; dɛɛ ɛhia ara ne sɔtie ankasa wɔ dɛɛ ɛtene mu. Ampa ara sɛ, Allah nim dɛɛ moyɔ nyinaa yie na Ɔbɛbɔ mo ɛho amanɛɛ” (Ch 24:54).

“Ka sɛ, ‘Monyɛ sɔtie ma Allah na monyɛ sɔtie ma Ɔsomafoɔ no. Na sɛ wɔdane wɔn ho kɔ a, ɛnnɛ kae hunu sɛ obiara a ɔbeyɔ saa no, ɔdi so wɔ asodie a wɔde ato ne so ho. Na sɛ moyɛ sɔtie ma No a mobenya kwankyerɛpa no. Na asodie biara nna Ɔsomafoɔ no so gyɛsɛ Asomasem no ka a ɛbeda adie no nkoaa (Ch 24:55)

“Allah ahyɛ bɔ ama mo mu nkurɔfoɔ a wɔagye adie na wɔyɔ nwumapa no sɛ, sɛ ɛtɛɛ biara Ɔbeyɛ wɔn Adeadifoɔ wɔ asaase no mu, sɛdɛɛ Ɔyɛɛ Adeadifoɔ firii nkurɔfoɔ a wɔdii wɔn anim kan no; na sɛ ɛtɛɛ biara nso, Ɔbɛma wɔn som no a Wasa mu ayi asi hɔ no atintim ama wɔn; na afei nso sɛ ɛtɛɛ biara Ɔbesesa ama wɔn banbɔ ne asomdwoɛɛ wɔ wɔnom suro no akyi; wɔbesom Me, na wɔmmfa biribiara mmata Me ho. Afei obiara a ɔbeyɛ ɔtiafoɔ wei akyiri no, wɔnom saa ne mmratofɔɔ no” (Ch 24:56).

“Na monyɔ Asɔre no na motua Zakaat no, na monyɛ sɔtie ma Ɔsomafoɔ no, sɛdɛɛ ɛbeyɛ na wɔbɛhu ma mmɔbɔ” (Ch 24:57).

Ahmadiyya Muslim Jama'at ma no da soronko bi ba wɔ bosome Kɔtɔnimaa mu. Me kyere bosome Kɔtɔnimaa ne da a ɛtɔ so aduonunson (27th May). Saa da yi yɛ Khilafat da a Jama'at no hyɛ fa wɔ ho. Wei ntotoho no ɛsan sɛ ɛna miensa da yɛn anim no, me pɛ sɛ me kasa fa saa asem yi ho nnɛ.

Berɛ bosome Kɔtɔnimaa ne da a ɛtɔ so adounu nsia wɔ afe 1908 mu no (26th May, 1908) yɛ da a ɛda Ahmadiyyafoɔ akoma so no, na ɛkenyaa dodoɔ no ara gyidie no, na ɛmaa dodoɔ no ara akoma tɔɔ wɔn yam no, wɔn a wɔtan Ahmadiyyafoɔ no, na ɛyɛ da a wɔde Ahmadiyya Jama'at fa ateetee ne ɔyaw die mu. Ahmadiyya abakɔsem mu no, yɛwɔ nsɛm yaw bi a yɛn atwerɛ ato hɔ a na ɛfa Ahmadiyya atamfo no ho a sɛ obi kenkan a ɛbeyɛ no ahodwiri na ɔrehunu dɛɛ ɔnka mfa ho.

Se nipa betumi ako tebea a ewo fom koraa na ode ne ho hyee adwuma a wonom yee no wo bere a Bohye Mesia (ANN) kaa baabi no. Deen nti na yebetumi de suban fi yi atoto Okomhyeni Kronkron (NNN) a yesomaa no se oye ehummaboro ma awiase nyinaa no. Nnipa ye won neema sedee won suban kyere nanso Kotonimaa bosome da a eto so adounu nson (27th May 1908) no, yehunuu Nyankopon tumi se ada ne ho adi a yehunu se W'adi ne bohye no so. Bosome Kotonimaa ne da a etoso adounu nson no bae a na eye asomdwoee nsem ne ahobanbo ma Ahmadiyya Jama'at no. Saa da wei bae a na eye nsempa a na ehye bohye a Nyankopon de maa Bohye Mesia (ANN) no ma. Na ebae de Ahmadiyya atamfo no beguu ogya mu na esan maa won aba mu buee wo won nsem a na woreka no, na saa da no ba be sei won anigye.

Saa da no nye da hunu keke mma Ahmadiyya Jama'at no. Wei ye da a eho hia yie na saa mfaso yi ko nkan wo bere a yedi Okomhyeni (NNN) bohye no akyi. Muslimfo dodoo no a wowo ewiase no hwe Ahmadiyya Jama'at no nu wonho, ewo yeka se wonom hwe yen wo ahoyaa kwan so firi se yen Khilafat no atintim. Mmere pii na wonom abo wonom ho mmoden se wobeyo won ara Khilafat nhyehyeee nanso wonom di nkuguo wo won nhyehyeee mu efiri se won ammu Okomhyeni (NNN) nhyerhyerepa a w'akyerekyerere yen no.

Okomhyeni Kronkron Muhammad (NNN) aka se, se Bohye Mesia (ANN) no ne Imam Mahdi no ba a, ewo se wonom de ohaw ne oyaw na amanee biara a won fa mu no na wonom ko worebe wiawia wo won nan so, wo "ice block" so se ekwan wo ho a, na won de ne "salaam" asomdwoee nkyea ko ma no. Afei Okomhyeni (NNN) kaa nsenkyerene no kyere obiara se, se wonom hunu se aba mu a, ewo se wonom hunu se, dee oreka no nyinaa ye nokore. Saa nsenkyerene yi a Okomhyeni (NNN) aka nyinaa ye Osoro ne Asaase yi so nsenkyerene a yeka no wo yen nhyiamu ase, afei yeka de kyere y'atamfo no da biara nanso merenka no saa bere yi. Eye esan ma wonom a wonngye ndi se, awiase mu neema no, nkyerekeremu no anaa asuro a yewo ma Muslimfo nimdifo no, anaa se wonom ndi Okomhyeni (NNN) nkyerekyerere so. Wonom anngye dee okaa se Bohye Mesia ne Imam Mahdi (ANN) nko na mmom won aban no aye asobrakyee se wonom de kasa fi befre nipa kronkron a Nyankopon afre no.

Won suban nye. Na wei nyinaa no, wonom nim se bere a yewo mu no eretiata mu refre won a wopese wotie se wei ne mmere a dee na ewo se oba no w'aba. Nyankopon ada nsenkyerene a efa wei nyinaa ho no adi na Osan toa so da nsenkyerene adi nanso saa nkurofo kuo yi gu so etann dee Nyame asoma no no. Etan biara a atamfo no beyo ede atia Ahmadiyya no, Nyankopon de asotwee foforo ma won na mmom won nsusuee na wonom akokoduro ne se wonom mpe se wobegyae won tann no. Enti se wei nye won asotwee a deen na yebeka se eye?

Ekwan biara so, sedee m'aka no, saa da yi ho wo mfaso kесе sedee Okomhyeni (NNN) ankasa ede ato dwa wo ne nkomye baako mu no. W'anka da koro potee no, na mmom okaa dee obeye ne nansinam na w'ado no no. Obeba wo Bohye Mesia (ANN) din mu na afei ono akyire no, obeka se Khilafat behye ase. Ohyee nkom faa eda a edi y'anim no. Enti deen na eho hia sene wei a ewo se Okomhyeni (NNN) kasa fa ho. Hadith bi wo ho a

Hadhrat Abu Huraira (ANN) aka afa Ɖkɔmhyeni (NNN) ho sɛ, Ɖkɔmhyeni Kronkron (NNN) no aka sɛ:

Kɔmhyɛdie bɛtena mo nkyɛn mmɛrɛ tenten a Nyankopɔn pɛ. Afei Ɖbɛgye afiri monkyɛn na akɔmhyɛdie Khilafat no ahyɛ asɛɛ, na afei sɛ Nyankopɔn pɛ a, Ɖbɛgye saa adom yin so. Na afei Ne pɛ mu no, ahenie a kataasehyɛ wɔmu no ahyɛ asɛɛ, ɛbɛma nipa wɛrɛ aho, ɛremma nipa ani ngyɛ na afei saa bɛrɛ no ba n’awieɛ a, ɛne Nyankopɔn nhyɛhyɛɛ kɔ a, Awudie aheni bɛhyɛ asɛɛ kɔpɛm bɛrɛ a wei aba no awieɛ. Afei bio nso, Ɖbesan asiesie akɔmhyɛdie Khilafat no, afei Ɖkɔmhyeni (NNN) kasa wieɛ no ɔkaa n’ano too mu. Enti Hadith wei mu no, ɛda adi pɛfɛɛ sɛ, deɛ adi kan no, Ɖkɔmhyeni Kronkron (NNN) kasa fa ne kɔmhyɛdie ho na afei ɔkasa faa Khilafat-e-Rashida nhyɛhyɛɛ ho. Khilafat nhyɛhyɛɛ pa a y’atenetene no bɛto a so afa saa kwan korɔ no so anaa akɔmhyɛdie kwan so.

Awiasɛ nyinaa hunuu Khalifafoɔ nan a wɔdii nkan no a yɛfrɛ wɔn Khilafat-e-Rashida no. wɔnom ne awiasɛ ahenie nni hweɛ yɔ ne wɔn animuonyam. Wɔde adwene korɔ na ɛyɔ wɔn adwuma sɛ wɔbɛyɛ deɛ Nyankopɔn ani bɛgyɛ ho no, wɔde wei sii wɔn ani so yɛɛ wɔn adwuma sɛ Khalifafoɔ. Afei nso awiasɛ nyinaa hunuu nsem a Ɖkɔmhyeni Kronkron (NNN) kaɛɛ nyinaa baa mu wɔ bɛrɛ a ɔkaa sɛ mmɛrɛ bi bɛba a ahenfo na ɛbɛdi yɛn so na mmɛrɛ bi nso wɔ ho a nipa nteetɛɛ nso mu bɛyɛ den.

Enti sɛ yɛ sua abakɔsɛm a, yɛhunu sɛ Ɖkɔmhyeni (NNN) kɔmhyɛ a ɔhyɛ faa Khilafat-e-Rashida ho na aba mu na afei ahenfo a na ɛkwan bi so no yɛhunuu wɔn sɛ wɔnom yɛ atirimuodenfoɔ no aba mu. Ahenfo a wɔn baɛɛ no, na wɔdi awiasɛ ne emu neɛma akyi sene wɔnom gyidie. Afei Ɖkɔmhyeni Kronkron (NNN) kaa sɛ, sɛdeɛ ɛsie da biara no, Nyankopɔn hu N’abɔdeɛ mmɔbɔ, ɛna asumm akyi no, Nyankopɔn bessane na ɛde awudisɛm nyinaa aba awieɛ. Afei akɔhyɛdie Khilafat no bɛhyɛ asɛɛ. Afei Ɖyɛɛ din sɛdeɛ y’aka no wɔ Hadith no mu no. Obiara bɛtumi abooboo Hadith yi ho na w’ahunu sɛ Ɖkɔmhyeni (NNN) kɔmhyɛ a ɔhyɛ faa Khilafat-e-Rashida ho no aba mu, na afei ne nsem a ɔka faa atirimuoden ahɛndie na ahyɛ ma.

Enti ɛbɛyɛ deɛn na akyineɛ aba kɔmhyɛ a ɛtwa too no ho. Sɛ nsɛnkyɛrɛne no nyinaa aba mu a, na Nyankopɔn aka no wɔ Kur’aan Kronkron no mu sɛ: “ɛne nkurɔfoɔ foforo bi a wɔfiri wɔm mu a wɔne wɔn nnya nnka mmɔɔ mu. Na Ɖno ne Ɖtumfoɔ, Nyansafoɔ no” (62:4). Nsem foforo mu no, Nyankopɔn de nhyɛhyɛɛ bɛgu akwan so bio ɛnam Khilafat nhyɛhyɛɛ a ɛbɛba wɔ akɔmhyɛdie akyi no. Nyankopɔn Kokroko no aka sɛ: “Ɖno ne Ɖtumfoɔ, Nyansafoɔ no”. Enti sɛ Nyankopɔn tumi a ɛboro nimdeɛ so da adi a, na N’ahummɔborɔ daa adi a, ɛnneɛ na Muslimfoɔ gyɛɛ wɔn ho firii Ahenfo a wɔn tirim yɛ den na Khilafat hyɛɛ asɛɛ wɔ kɔmhyɛdie akyi sɛdeɛ Ɖpɛ no.

Yɛn Ahmadiyyafoɔ tiri ayɛ yie afiri sɛ, yɛdi Ɖkɔmhyeni Kronkron (NNN) kɔmhyɛ a ɛdi kan no ho adansɛɛ, san so gyɛdi, na y’asan ahunu sɛ aba mu, na yɛn nso na yɛgyɛ Ɖkɔmhyeni (NNN) kɔmhyɛ a ɛtwa too no di. Yɛgyɛ di yie sɛ saa kɔmhyɛ a ɛtwa too yi aba mu. Yɛwɔ Ɖkɔmhyeni Kronkron (NNN) Hadith bi wɔ ho a, ɛkasa fa Kur’aan kyɛfa Jumah ho. “ɛne nkurɔfoɔ foforo bi a wɔfiri wɔn mu a wɔn ne wɔn nnya nnka mmɔɔ mu. Ɖno ne Ɖtumfoɔ, Nyansafoɔ no” (Ch 62:4). Sɛ yɛde Nyankopɔn asɛm wei hyɛ yɛn titirm a, na sɛ yɛdwene tebia a aawiasɛ yi wɔ mu a, na y’ahunu nsɛnkyɛrɛne a ada adi no a, y’agye Imam

no a na ewo se oba wo saa mmere yi mu no adi. Okomhyeni Kronkron (NNN) nkasae baako bi mu no, w'afre Bohye Mesia (ANN) no "Nabeeullah" anaa Nyankopon somafo ne Ne Komhyeni. Afei nso Okomhyeni Kronkron (NNN) asan aka se, me ne Bohye Mesia (ANN) ntam no, okomhyeni biara nni ho. Ennee se yede toto kyefa eto so nan a ewo Surah Al Juma'ah, "wa aakhareena minhun", Okomhyeni (NNN) aka se, dee obeba wo awiee mmere mu beye te se dee ono ara reba asaase yi so bio.

Orekyerekyere Surah Al Juma'ah mu no, Okomhyeni Kronkron (NNN) dfe ne nsa too Hadhrat Salman Farsi na Osan kaa se, dee obeba wo awiee mmere mu no, obefiri saa nkurofo kuo yi mu. Nsem foforo mu no, nipa a obeba no de ne do behye Okomhyeni Kronkron (NNN) mu, se obeye te se ne nhwesoo enti obenya abodin se Okomhyeni enam esoma a y'asoma no aba awiase no. Okomhyeni san kaa nsenkyerene a efa se gyidie beyra ako osoro aheman mu. Wei ne mmere a saa Ulema, Muslimfo nimdifoo no, abenfo no nso gye to mu na won si so dua se, mmere a Bohye Mesia (ANN) no de ne komhyedie beto dwa no, Muslimfo gyidie tebea beye awerho te se dee gyidie ayera afiri asaase yi so.

Enti wonom nyinaa ahunu se nsenkyerene no nyinaa aba mu. Ena nsenkyerene a ada adi kyere yen se Bohye Mesia (ANN) no a ewo se oba no, aba mmere pa mu. Ma me ma noedaadi pefee se, Bohye mesia (ANN) no a oye "Khatamul Khulafa" no Onyaa Khilafat no mpenpensoo a adi mu wo Okomhyeni Kronkron (NNN) kwan so anaa yebeka se, onyaa Khilafat a adi mu no wo bere a na oye okomhyeni.

Na suban pa a na enti oye bohye mesia no (ANN) na okomhyeni kronkron (NNN) bohye no ada adi no, na ode ne do hyee okomhyeni mu no, yede okomhyeni dibre dom no.enti khilafat nhyehyee a ehyee ase w Bohye Mesia (ANN) mmere so no ye okomhyeni (NNN) komhyedie no ntoasoo.Na adwumadie a ewo se khilafat wei ye no ne se obehwe se Muslimfo nyinaa qur,aan mmra no so ,na wonom aye Nyankoponne ne N'abodeenyinaa asedee .Na yeredi okomhyeni anamontuo akyi no (suna) Ewo se yehunu se yedi so enti ewose jama'at no de ye adwuma ,enti Khilafat-e-Ahmadiyya ye Khilafat-e-Rashida nto nntoasoo ewo mmere yi a yere teneteneIslam no. Se yehwe Islam nhyeese a, na ye sua firi Allah wie a okomhyeni kronkron de ato dwa se Khilafat-e-Rashida beba n'awie wo mmere dodo bimu akyi. Nanso se yehwe khilafat a ebeye ase wo bere a Islam ase wo awiee bere yi mu a, ode nsem pa afiri Nyankopon ho aba se sa khilafat yi betena ho afe boo.Na nkrufo kuo ben na waka saa nsempa yi akyere won a wobeye won asedee ama khilafat no. won a obe nante wo ahotee kwan so nyame suro (taqwa) ene enee pa, ene won a wokoso som Nyame no.

Nkrufo pii wo ho a wonom beka Ahmadiyya Muslim jama'at yi ho nanso won ne won a wontumi nnye won asedee mma khilafat -e-Ahmadiyya, enti Nyankopon bohye no ma won twe won ho firi jama'at -e-Ahmadiyya ho.Won ewiase dadwene ne won pe nti no se wonom ankasa betwe won ho afiri jama'at no ho anaa won ankasa de beto dwa se wonom agyae jama'at no. Won gyae a wonom a wonom gyae jama't no, anya nsuswansoo anaa ohaw bi wo jama'at no nkoso anaa.Anaa se yen anya ohaw kese bi a abe twintwan yen anam anaa? Daabi, se saa nkurofo no mu baako koraa gyae a, Nyankopon dom yen nkurofo no mu pii de hye anan.se dua ahaban a awoo te gu fam a, ahaban mono ba ho mmoho mmoho.

Enti efiri se wei ye Nyankopon bohye se ewo se khilafat nhyehyee no toa so, enti Nyankopon no ara de ato ne ho so se obobo na watwitwa dua yi so .erentumi nnye tebea a Nyankopon kokuroko no mbo ho ban na obedi nkukuo wo ne bohye w'aye afa ne dfo no ho.

Mmere pii no, saa bohye yi ada adi na ebetoa so ada adi. Eye nokore se mmere bi beba a, won a won gyidie mu nye den no na Ahmadiyya atanfo no behye ase adwene se afei Ahmadiyya beba n'awiee, nanso Nyankopon mmoa beba abeyi Jama'at yi efiri ohaw biara mu. Ahwehosem a etoo Jama'at yi efiri bere a Bohye Mesia (ANN) no kaa baabi no, na y'atamfo ani agye na afei nso na Jama'at no suro nanso na Bohye Mesia (ANN) no asiesie Jama'at no saa mmere tentene no mu wo bere a okakyeree won se, Nyankopon aka akyerere no mmere pii se mmere a ode bewu no aben. Nanso Okaa se wei nnye ohaw ne dadwene biara mma no. Bohye Mesia (ANN) atwere wei nyinaa wo ne nwoma "The Will" no mu. Na baabi a otweree wei se erenkye na w'afiri Asaase yi so- osan de Jama'at no sunsum gyinabere guu akwan mu, na sikasem ntotoe ne ne nwumadie na osan ka kyere obiara se Jama'at no betintim na etumpo na asan atene ho afebo.

Osan ka kyere Jama'at n ose, mma bibiara renha won, afiri se Nyankopon ahye no bo se Obema Jama'at no atu mpon, efiri se wei ne Jama'at no a yehwe ne nkoso no a Okomhyeni (NNN) aka nsempa afa ho no. Afei nso eye Jama'at a okaa se Khilafat nhyehyee behye ase awiee mmere mu no. Bohye Mesia (ANN) no atwere: "Nyankopon aka me nsem akyerere me se, atowerenkyem ne ohum pii besane wo asaase yi so. Ebi beba wo bere a me te ase no na ebi nso beba abere a m'atwa mu ko no. Ne fa bi beda adi wo mensa mu na ebi nso aba wo me wuo akyi" (Al-Wasiyyat).

Oko so ka se: "Baako ne se, Oda Ne tumi adi wo N'akomhyefo no so. Dee eto so mienu ne se, se okomhyeni bi wu na se ohaw ne amanee sore, na se atamfo no nya tema na wodwene se neema nngu n'akwan mu a, na wonom ye won adwene se afei dee Jama'at no besee afiri asaase yi so, na Jama'at no mu nipa no gyidie ye mmere, na afei ebinom bo asesa na wonom fa kwan bone so a, ennee saa no, Nyankopon da Ne tumi ne Ne mboa adi, na W'asan abo Jama'at no a erehimhim no. Osan ka bio se, Eho hia ma mo se, mobe hunu bohye a eto so mienu no nso, na ne mbaee no ye ma mo efiri se eye afebo ntoaso a eremba awiee gyese Atemuo da no. Ena saa bohye a eto so mienu no ntumi mmba agyese m'afiri mu ko. Na mmom se mefiri mu ko a, Nyankopon de bohye a eto so mienu no bebere mo a ebetena monkyen afebo sedge Nyankopon ahye bo wo Brahin-e-Ahmadiyya mu no. Na saa bohye yi nko mma me nko, na mmom saa bohye yi ko ma mo. Me ka se, me ye saa Jama'at yi wonom a woye w'akyi difo no bedimu akyeo afoforo no akosi Atemuda no. (Al Wasiyyat)

Enti enam onyankopon adom nti, ebeye emfie 105 a atwamu yi y'ahum se Onyankopon ahye No bohye no ma. Jama'at no faa amanee pii mu. Nenso enam Onyankopon Adom nti Jama'at yi ekaso kan n'amm wo ntem so a ete hyia ne nkumm dio ne ne nkan ko. Se atamfo no yere wonom ho se wode Jama'at no beto ate beemu. Wo obi man mua, Onyankopon ba mu na obue ekwan wo oman fofro mu le ma Jama'at no, ne akwan anwawasoo a ema ekuo no ko n'anim, Na enye wei enkoara. Wo aman a omu ayeden ama yen nso mu. Saa ara ne etee. Onyankopon koso hye Jama'at mma no gyidie mu den. Na afei se me hunu na se me ankasa me di ho adensee a, ehye meden wo ekwan a Allah aboa Jama'at no ama ye nante wo akwan

a eyeden so na ye hyia yen mpuntuo ne nkuanim, na ye gyidia a ewo Allah mu no mu yeden paa, na gyidia a wo ne bohye mu no ko so wei.

Ampaara se eye Onyankopon nsa ne epia Jama'at yi de ho n'anim abre nyinaa. Na obiara a onyankopon be ye no Khalifa (odiadeni) no emfa ho ne gyinabre a na saa nipa no wo mu. Onyankopon bekoso de ne mmoa agu no so na wasan ataei n'akyi (inshallah). Na Allah daa no adi ne mmoa ne n'senkyerenee preko pe a woyi Khalifa a eto so num (5) ma Bohye Mesia (ANN) na woda no adi pefee maa ye hunu nkomye a okomyeni kronkron (NNN) no hye asem a Bohye Mesia (ANN) no firi Onyankopon ho na khilafat beka yeho daa na ebetoaso daakye nso. (Inshallah)

Nanso ewo se yede hye y'adwene mu se Allah aka nhyesodee bi a yebe hunu no wonom a wobonya mfaso afiri khilafat no mu. Na Allah akwere ne nyinaa wo kur'aan no mu na me kae na wonom a wope se wonya mfaso firi khilafat no woni so. Onyankopon aka no wo kur'aan mu se "won ne nkurofo a wabedi nkunim" (24:52). Eha nom ye be hunu se kasa no nnye esom mu ntee a ema ye yo enoma bi wo esom no mu. Nanso eye adee a kur'aan kronkron no aka nti na nsem foforo mu ye ka se eye asodie a ewo se ye ye de ma Onyankopon nap san ye asodie a eda yen so a ewo se ye ye de ma Onyankopon abodee. Kur'aan Kronkron no akwere ekwan a yemfa so ntena ne ekwan a yemmo ho ban. Na asan ekwere ekwan a yenni nipa so abre biara.

Enti ha, worebo nkurofo a wofa ewiase yi mu ntawantawa na wode ko asendibea wo abre ko a saa asem no ankasa yebetumi aka no wo jama'at no mu na wode won ho nyinaa ato sharih ne kur'aan no nkyerakyere so enkanka ne asem a efa abusua ho anaase ntawantawa a eda awarefo ntem. Na ye wo nsem foforo a ete sei nso wo ho a adwene bone a saa nkurofo no wo daa adi wo abre a wobe dinkan apo se wonfa Jama'at kwan so nsiesie asem no na wode beko asemidibea. Na se eko ba se dee wohwehwe firi asemidibea no wantumi anyaa na wasan won akyi aba se w'ode hye jama'at nhyehye ye mu.wei sei ne nneema a ekwere won gyidie a eto sini no. Allah Okokuroko ka se ogyidi (moomin), gyidini ampara ne dee wosiesie n'asem wo dee Onyankopon ne ne komhyeni aka so. Na jama'at mu nhyehyeye atemuo no fa dee Onyankopon ne dee ne komhyeni ka ho.

Na mefa saa akwanya wei so abo wonom a se asem ba wonom anim a wonhwehwe mu no koko, na wonom aten a wobe buo no emfa dee Onyankopon ne no komhyeni oreka ho. saa nkurofo weinom ye bone na wasan twe afoforo firi jama'at nhyehye ye ne khilafat no nso. Onyankopon aye Khilafat se wonsie sie ntawantawa a eda nipa mmienu ntam wo perepepeyo so saa abre yi, Jama'at no atre akoduru mpempenso. Khalifa no ntumi nko obiara ho na wontumi nso mfa ne ho nhye asem biara mu. Na se saa kuo yi ere ko so ko n'anim no saa ntawantawa yi bekoso ako so. Enti wonom a w'ama won dibre wo sentea wobe siesie asem no, se wonom de amfa Nyame suro anhye won tiri mu ne tenenee mu wonom de Khalifa a owo so no nso beko asem mu wo Onyankopon anim, wonom beye aboneyefo na w'ama Khalifa nso abeye odebonye ni wo onyankopon anim.

Enti me tu qazis ne wonom a wo wadibre, ne ameerfo no fo se wonom nso perepepe yo mu den na wonom nhye khilafat edeen na wonom nnye dee wobetumi biara wo wei so na wonya wei. Annye saa a, saa nkurofo wei a wowa dibre no beye nkurofo a wo bone khilafat mu tokuro. Enti eye ampara se Allah aka se nkunimdifo no ne nkurofo a wo yere won ho wo Onyankopon nti. na wo yere wo ho se wobeyo na wa hye jama'at no nhyehye ye no ma na wadi Khalifa no nhyehye ye so se dee ebeyo na wobonya Onyankopon nkyen animmuonyam. Na me san busa nkurofo a wode saa adwumayi ahye won nsa a Ameer ne qazi fo no ka ho, me ka kyere wonom nyinaa se mo nyinaa nnye adwuma wo Allah ne, ne komhyeni no

nkyerekyere so na ama mo anye adee biara a ebetwe mo afiri perepepeyo ho na ebeyi mo afiri nyame suro asedee ho. Yere wo ho se wo be w'asedee na wo beye anamusini ama Khalifa a owɔ ho saa bre no se wannye wei a, ebre beso a ye beso wo mu na ewiase mu apedee no de wo beko asem mu, ampaara se saa na ebaba na afei wo sana behyia Onyankopon asotwe .Wei ye adee a eye hu ma obiara owɔ gyinabre se wobedi so na wobedi so na wode ato wonom adwene mu.se wo be nya gyinabre no enkyere se wama ye offise, ekyere se wama ye asodie kesee ewo yen so.

Na Allah otumfoɔ no ka se, se moka se mo gye Onyankopon di a na se mogye ne komhyeni no di a na wo ka se wagye Bohye Mesia (ANN) no atomu na se wo ka se wo be ma gyidie so akyen nnooma nkaee nyinaa so a, enee na ewo se wo di Onyankopon ne ne komhyeni mmra so.Adee biara a kandinii a owɔ ho saa bre yi akyere wo se yo no ewo se wo ye.Na ewo se wode nkyerekyere biara a wa hye ama wo no so.Na se wa'nye wei a, enee nse a wdi ne nsem atenten a woreka no se wo be wei ne wei , no mfasoɔ ne nteasee biara nimu. Onyankopon nim dee ewo w'akoma mu wonim ne yie paa dee wore ka ne dee woreyo. Wo ijtema biara mu, nkabom, ye din se se yebeye adee biara a khalifa a owɔ ho saa abre no hye ye se yen ye enso, ne nyinaa akyi no yentumi nnye adee ketewa bi a chye se yenyeno.

Yentumi ni Kur'aan nkyerekyere so na yensaa enyere yen ho se ye beduru saa gyina bre no. Mo ma me mfatoho bi, nansa yi ara na yeyɔɔ west coast nhyiamudie na nsem beberee na ebepaa me tirimu a yebeka no akyire.na seisei emaa no mfatoho no da nim ma twe wonom nyinaa adwene asi so se wonom nhye ntaadi papa na wonom nkata wonom ti ne wonom ho.Wei ne kur'aan no mmra enye mmra biara kwa kur'aan no akyere yen saa mmra wei. Na ewo se ye de ye adwuma na kakeraa bi mu no me hunu se wonom amfa anye adwuma na emaa no bi a, wo hye wɔmo ansaana wonom de akata tiri akata won ti wo gya wonom 'burges'no wo asoredan mu ho wo abre a wɔmo befiri ho na wonom a worepepa asoredan mu ho no asesa.

Wa hye mmaa ne mmarima a wɔwɔ Islam se wonom ena suban papa no adi nanso Bohye Mesia nso ahye mmaa no se wonom nkata wɔwɔm ho ennye saa a mmarima no ani behunu wonom.Na wode wei nyinaa ama yen se emmoa mmaa ne mmarima .Eka biara ma se ye di so a, na antia se yebeyere ye ho paa ansaa na y'atumi aye efiri se ewiase apedee no adɔso ama yentumi nnye wei.Enti Allah Otumfoɔ no eka se , se wodi mmra no so na se woye dee eha firi woho a wo benya nkunimdie.Na se wantumi anye a enee Allah Otumfoe no kakyere wo se eye okomhyeni no adwuma se wonka nsem pa no na wonka no yie paa.na se wabɔ won ho ban no ho na wahye dee ehia firi won ho no ma nkurofoɔ a wode. Won nsa ahye Bai`at ase anye sae nso a enye Allah nim biibiara. Menye se woho ato wo se wo abeye Ahmadiyya ni anaase wawo wo wo Ahmadiyyafoɔ fie.

Bohye Mesia (ANN) no aka se, se woye Bai`at a eho ema mfasoɔ se w`anaa suban pa adi a. Na afei asoreyo a eye honhom mu asodie a wde ato yen so na wa ka afa ho se eno nti na wɔwɔ nipa enso, wo wei emu no emom wonom a w`anya dibre akyere no daa akwadwor adi. Wei nom ne nkurofoɔ a wɔwɔ dibre no a se wonom epue abonten so a, wɔhunu wonom se worekeka won ho na woreyo adwuma paa na se wonom ba eha nso a wonom bo mpaee wo Nyame suro mu. Na wonon yerenom ka se wonom wo efie a wonnye asore.

Enti adee a eho hia na mfasoɔ wo so no a efiri Allah ho no y`antumi anhye ne ma a, na se y`ani so a enee na ye de y`ano ka se ye beye wei ne wei no mfasoɔ biara nni so. Eho hia se yede yen ankasa yeho ahye mmra ase, na se wo be obi a odi Onyankopon mmra nyinaa so a, na woyere wo ho wo kwan anwawasoo se wo benya Onyankopon nkyen anigyee eno nko

ara na wɔbe ka se Ahmadiyyafoɔ no hye saa asem a eye “ye te na ye de so” no ma, eno nko ara na wɔbefre yen agyidifoɔ mmapa. Na se ye wei a, na yagye yagye adie no akyi no, yeyere yen ho se yebe tumpɔn wɔ gyidie mu na ye twe y`adwene nyinaa kɔ so se yebeye papa, enee saa nkurɔfoɔ wei na benya mfasoɔ afiri Khilafat mu. Nsem foforo mu no, Onyankopɔn ahye nkurɔfoɔ anaase yebetumi aka se saa nkurɔfoɔ wei mo nkoara na benya mfasoɔ afiri Khilafat nhyehyeye mu, na wɔnom benya aho tɔ, asodwie ne ahobambɔ, saa nkurɔfoɔ wei mo suro no besesa aye asomdwie ne ahobambɔ, wɔnom a wɔ benya gyidie na waye bea a papa firi ban a wɔnom behye esom no asede ma, na wɔnom betwe wɔnom ho afiri adee a wɔde bata Onyankopɔn ho.

Se madikan aka no, Allah aye saa nhyehye ye yi wɔ Ahmadiyya mu na saa nhyehye ye wei wonnya no wɔ baabiara bio. Ahmadiyyafoɔ tiri ye efiri se, se wɔgye Bɔhye Mesia (ANN) no to mu a, wɔ san nya nhyira soronko firi Khilafat ho. Enti kae se, Bɔhye Mesia (ANN) no annye no y`apedee mu. Eye apedee wɔ kwan bi so, na se apedee yi hye maa enee, Onyankopɔn adom nti, Onyankopɔn de N`ahobambɔ bedom yen, suro a ewɔ Jama`at no mu no besesa ama no abeye asomdwie a Jama`atfoɔ no rehwehwe bre biara. Nokware, wɔ saa mmre yi mu, empo wɔnom a wɔnnye Ahmadiyyafoɔ no mpo eye wɔn nwawa ekwan a Onyankopɔn fa so bɔ Ahmadiyyafoɔ ho ban na wɔsan ma asomdwie. M`aka saa asem yi bebiree. Ahmadiyyafoɔ tebea a wɔkɔɔ mu ansaana wɔretow aba ayi Khalifa a ɔtɔ so num no, wɔnom a wɔnnye Ahmadiyyafoɔ mpo nyaa atenka na ebimom so ete hɔ retwen se wɔnom behunu se Jama`at no bekɔ amanee mu.

Enso, Allah Otumfoɔ hye ne bɔhye a ɔhye Bɔhye Mesia (ANN) no ma, wɔ ekwan soronko so a eye ewiase nyinaa nwawa. Enam MTA so maa wɔnom a wɔn nye Ahmadiyyafoɔ nso di saa esenkyerenee ni yi ho adansee. Esuro a na ewɔ ho no sesa ye asomdwie ne akokoduro. Wɔnom a wɔnnye Ahmadiyyafoɔ no mpanimfoɔ baako, a ɔye Ahmadiyyafoɔ adamfo, ka se mengyenni se mo ye nokwarefoɔ nanso me gyedi, se me hwe wei nyinaa a, biibiara da adi se Onyankopɔn adom ne Ne moa ka mo ho. Enti ye wɔ nkurɔfoɔ bi a wɔnom ahunu nokware no nyinaa wɔnom esan epo na wɔnom tena wɔnom bɔne mu. Se ye hwe Pakistan a etan no mu aye den nanso Jama`at no kɔso tumpɔn na ye san nya nkunimdie no kɔ so tre abre biara na wɔnom tiripɔ se wɔnom pese wɔ hye yen ase no entumi nye yie da. Wɔnom kɔ so dwene ho ekwan a wɔnom befa so asee yen.

Na me ka kyere saa nkurɔfoɔ wei mo se, O mo nkurɔfoɔ a mo ye Ahmadiyyafoɔ atamfoɔ, monkae se yen Awurade, ya Damfo ne Onyankopɔn dee wɔwɔ tumi nyinaa no. Wɔmma moni nkunim da. Eye hye bre se Islam nkunimdie no gyina Bɔhye Mesia (ANN) no so. Okɔnhyenyi Krɔnkrɔn (NNN) frankaa no wɔnom a wɔ ye Bɔhye Mesia (ANN) no akyidifoɔ na ebese. Wɔnom a wɔwɔ gyidie a esipi wɔ Khilafat mu no na ebese saa frankaa yi. Khilafat wɔ Okɔnhyeni akyi, wɔnom a wɔde wɔn ho bata Khilafat, wɔnom a w`abeye ahwenee a yede gu kɔnmu a eno ne Jama`at Ahmadiyya a w`aso Allah ahoma mu den paa. Enti adee biara a mo beyɔ anaase suban bɔne biara a mo beda no adie anaase motu yeso sa a, empo se ewiase aban bi boa mo a, montumi ensi Khilafat kwan se enduru ne mpenpensɔɔ, anaase biibiara ni hɔ a ebe gyina yen kankɔ.

Jama`at mma no nkae se, mese se wobenante wo Taqwa, teneeyo, asoreyo, mpaebo, aforebo, kwanso no beko so ama yen anya Khilafat ho mfaso. Enti eye obiara asedee se obeyere ne ho se enam Onyankopon adom nti obenya kyefa kese paa ewo mu. Seisei mekan biribi afiri Bohye Mesia (ANN) no atwere sem mu ma wonom a wode won ho bata Khilafat anaase Jama`at anaase wonom a wobenya Khilafat ho mfaso na wonom anya Onyankopon nkyen anigye. Na wo nso, ewose yede yeho bata Sunsum Kronkron no na yete ye kra ho efiri se, se Honhom Kronkron ni ho a yentumi nya Taqwa , na y`apo yen ankasa y`apedee yenyi biibiara se yede benya Onyankopon nkyen anigye.

Saa ekwan a yede kwan foforo biara toto ho a, saa ekwan no bekyea entene. Endo ewiase nooma, efiri se etwe yen fri Onyankopon ho. Fa suban pa Onyankopon nti. Oyaw a ebema Onyankopon aniagye yen ho no ye kyen anigye a ebema Onyankopon ebo afu yen. Nkukuo a ebema Onyankopon anigye ye ho ye kyen nkunim a ebema Onyankopon ebo afu yen. Po ado a ebema wo aben Allah abufuo. Na se wote w`akoma ho na se wo ben no a, Obesboa wo wo ekwan biara a wobefa so a otanfo biara ntumi nha wo. Wonntumi mfa Onyankopon anigye kyense wopo w`apedee, wode w`animonyam bo afodee, wobepo w`agyapadee, wode wonkwa bebo afodee wobeko eyaw mu wo Ne kwan so na w`ako amanee wuo mu. Enso abre a wobeko saa amanee no mu no, wobetena Onyankopon nanso te se abofra na wo beye nokwarefo a w`atwamu no anamusifo. Na nhyira pono biara bebue wo wo so. Na enso kakrabi na ewo saa gyina bre yi.

Onyankopon ka kyere me se Taqwa ye edua a ewo se yedua no wo y`akoma mu. Ensuo a ema Taqwa dua no nyini fromfrom no efa afuo no mu nyinaa. Taqwa ye entini bi a biibiara ensei wo ho. Na se wode wo ho bata no a biibiara nsei ye. Mfaso ben na ewo mu se yede yeho behye kasa a mafso biara nni mu, na woka se wrehwehwe na Awurade nan so na wonni nyinaso biara se wone Onyankopon na enam. Hwe, me ka kyere mo nokware mu se dee ne tiri nye ne dee owo ewiase apedee ketewabi wo n`akoma mu. Bonsam gya no ben nkurofo a wonom adwene nyinaa nye Onyankopon nti- nanso obi ye Onyankopon nti na dee aka no ye awiase. Se wo wo akohwisem ketewabi mpo wo wo dwene mu a, wosom nyinaa ye kwa (Al-Wasiyyat).

Bohye Mesia (ANN) no ka se: “Na enso se, se wow u na se wok um w`apedee a, ennee wo beba Nyame mu na Nyame nso aba wo mu. Na efie a wote mu no nso mu beye nhyira na Onyankopon adom besane agu fapem a ewo wo fie. Na kuro a wo firim no nso beye nhyira efiri se wote saa kuro no mu. Se wo nkwa ne wo wuo, adesbiara a wobeyo ne anamon biara a wobetu, ne w`ayamuyie na w`abufuo no nso ye Onyankopon nko ara nti. Na se amanee anaase nschwe biara ba wo so a, wompo na wone Onyankopon Namfofa no mu nte, na emom wei bema wo atu anamon ako Ne ho. Na me ka nokware kyere wo se, wo beye wonom a Nyankopon ayi no bi. Wo nso wo ye nipa te se dee me nso me ye nipa no, na me Nyankopon no ye wonso wo Nyankopon. Enti mempo wo ahoden.

Hwe, se wode wo ho nyinaa ma Nyankopon a, ennee kae se, na enam so bema wo anya Nyankopon anigye. Se wobeye nkurofo a w`ayi wonom no mu baako. Ma Nyankopon Kesyoy no ntintim wo w`akoma mu, na ka Ne Koroyo no nye w`ano nko ara na emom suban nso sedee ebeye na Nyankopon nso de N`adom ne N`ahummoboro begu wo so. Twe wo ho

firi basabasayo ho na hunu nipa mmobo. Fa ekwan pa biara a eko Taqwa ho efiri se obiara nim dee wofaso a wobegye wo atomu. Ma w'ani ngye na sdi ahurisie efiri se ekwan da ho a wobeben Nyankopon.

Oman biara do ewiase na adee a ema Nyame ani gye no y'apo. Eye mmere se obiara a ope no wura epono a wonom a woho eye den no na ebetumi. Wononi kyere wonom ahoden ma Nyankopon anigye won ho. Mendwene se, Nyankopon bema wo aseki kwa. Mo ye aduaba a Onyankopon no ankasa de Ne nsa adua wo asaase so. Nyankopon ese saa aduaba wei benyini na ne nhwiren ne ne man no betre ako baabiara na ebeye dua kесе. Enti nhyira ne dee ogye dee Nyankopon eka na onuro amane biara a obefa mu wo ne kwan so. Enti amane ne ho hia sedee beye na Nyankopon behunu wonom a woye nokware ne wonom a wodi atoro wo won Bai'at mu.

Bohye Mesia (ANN) no ka se: "Nyankopon ka kyere me se menka nkyere me Jama'atfo no wonom a wogyedi na wongyidie ene awiase apede bia bo abura na wobetwe ne ho afiri nyaatwom ho ne suro ho na wonya de buo wo baabiara. saa nkurofo wo ne wonom a Nyankopon anigye won ho. Na Onyankopon eka se weinom ne nkurofo a wowo nokware tebea. Onyankopon emoa yen na yentumi nye adee a Bohye Mesia (ANN) no pe ne omoa yen na yen nyinaa yemmen Khilafat na womfa ndom yen sedee ebeye na yebeye ahobrasee ama Khilafat. Na womoa yen na yen duru gyanabere a ewo soro esom mu, sedee ebeye na yebena nhyira afiri Khilafat mu.

Translated by: 1. Mr. Abdul Hakeem Oduro Sahib
(Final year student, Jamiatul Mubashireen, Ghana)
2. Mr. Ali Majeed Sahib
(Final year student, Jamiatul Mubashireen, Ghana)
3. Mr. Abdul Hameed Ismael Sahib
(First year student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us